



KVINNHERAD KOMMUNE  
Rosendalsvegen 10  
5470 ROSENDAL

Saksbehandlar, innvalstelefon  
Anne Vibeke Barkved, 5764 3117

## Tildelingsbrev -stimuleringsmidlar til eigeninitiert utviklingsprosjekt – «Rettleiing i Vestland»

Vi viser til søknad frå dykk av 30.05.2025.

Tilskotsordninga er ein del av kompetansestrategien for det kommunale barnevernet, og skal medverke til å stimulere til teneste- og tiltaksutvikling i kommunane for å styrke oppfølginga av utsette barn og familiane deira. I 2025 har Statsforvaltaren i Vestland kr 1 840 573,- i tilskotsmidlar til disposisjon til å støtte kommunane sine eigeninitierte utviklingsprosjekt som er forankra i kommunale læringsnettverk.

Kvinnherad som vertskommune søkjer i samarbeid med Vik, Sogndal, Luster, Sunnfjord, Aurland, Lærdal, Høyanger og Årdal kommune om kr 800 000,- til vidareføring av utviklingsprosjektet «Rettleiing i Vestland». Med utgangspunkt i barnevernslova om krav til nødvendig opplæring og rettleiing av tilsette i barnevernstenesta, skal kommunane gjennom dette prosjektet auke kompetansen om rettleiing i tenestene. Målet er at alle tenestene skal få auka kompetanse på rettleiing internt, og på rettleiing mellom leiar og medarbeidarar. De har avtale om å samarbeide med RKBU Vest, som skal bidra med fagleg rettleiing og forskingsbasert kunnskap til prosjektet.

De starta opp prosjektet i 2023 og fekk tildelt kr 900 000,- i stimuleringsmidlar, jamfør brev av 23.06.2023. De søkte om ytterlegare midlar i 2024 og fekk tildelt kr 580 000,- jamfør brev av 19.06.2024.

De søker om midlar til frikjøp av prosjektleiar i 20 % stilling, og prosjektmedarbeidar i 10% stilling og til gjennomføring av samlingar, dekking av reiseutgifter og til presentasjon- og opplæringsmateriell. De starta våren 2025 med rettleiingsgrupper for nyttilsette på tvers av kommunane. Fokuset vil være å rettleie på tvers av kommunane, og utveksle erfaringar. Målet er å få til rettleiing i tenestene som kan fungere både for dei store tenestene og de mindre. Statsforvaltaren si vurdering er at dette er eit relevant prosjekt med stor overføringsverdi til andre kommunar i læringsnettverket. Vi vurderer at de har grunngjeve behovet for vidareføring av utviklingsarbeidet godt, og at dette prosjektet stettar dei vilkåra som Barne-, ungdoms- og familiedirektoratet har sett for tilskotsmidlane.



**Statsforvaltaren løyver med dette 800 000,-** til utviklingsprosjektet «*Rettleiing i Vestland*». Vi vil betale ut pengane etter at vi har motteke vedlagte skjema for stadfesting på at de aksepterer dei kriteria for løyvinga som kjem fram i dette brevet. Stadfestinga (vedlegg 1) må de sende til Statsforvaltaren **innan 15.09.2025** merka med referansenummeret vårt **2025/2230**.

Løyvinga skal de nytte til frikjøp av prosjektleiar, prosjektmedarbeidar, samlingar, opplæringsmateriell og dekking av reiseutgifter i samsvar med prosjektsøknaden.

De kan ikkje nytte dei tildelte midlane til andre føremål. Dersom de ønskjer å omdisponere tilskotet innafør same føremål, må de avklare dette skriftleg med Statsforvaltaren på førehand.

Tilskotet må nyttast innan utgangen av 2026. Dersom løyvingane ikkje kan nyttast etter føresetnadane, skal de betale pengane attende til Statsforvaltaren. Statsforvaltaren, Barne-, ungdoms- og familiedirektoratet og Riksrevisjonen kan i samsvar med reglane i det statlege løyvingsreglementet kontrollere at løyvinga vert nytta etter føresetnadane.

Revisorattestert rekneskap, rapport om prosjektet og bruken av pengane skal de sende til Statsforvaltaren **innan 01.02.2027**. Rekneskapen må de setje opp på ein slik måte at Statsforvaltaren kan kontrollere at løyvinga er nytta i tråd med føresetnadane.

Svar på dette brevet skal de sende til vårt postmottak: [sfvlpost@statsforvaltaren.no](mailto:sfvlpost@statsforvaltaren.no)

Praktiske spørsmål knytt til prosjektet kan de sende til kontaktperson hjå Statsforvaltaren: Bente Cecilie Foss, på e-post: [bente.foss@statsforvaltaren.no](mailto:bente.foss@statsforvaltaren.no)

Med helsing

Øystein Breirem Jacobsen  
seksjonsleiar

Anne Vibeke Barkved  
seniorrådgjevar

*Dokumentet er elektronisk godkjent*

Kopi til:

SOGNDAL KOMMUNE	Postboks 153	6856	SOGNDAL
LUSTER KOMMUNE	Postboks 77	6866	GAUPNE
HØYANGER KOMMUNE	Postboks 159	6991	HØYANGER
SUNNFJORD KOMMUNE	Postboks 338	6802	FØRDE
ÅRDAL KOMMUNE	Statsråd Evensensveg 4-6	6885	ÅRDALSTANGEN
AURLAND KOMMUNE	Vangen 1	5745	AURLAND
LÆRDAL KOMMUNE	Øyraplassen 7	6887	LÆRDAL
VIK KOMMUNE	Postboks 134	6891	VIK I SOGN